

Tales ut convertantur hocce exercitii stadio, in Domino omnes concitemus vires.

In specie quoad jejunium eadem observanda inculcent Fratres in Christo, quae in Litteris jam citatis statuuntur: praëprimis ad hoc reflectantur fideles, quod

a) cuncti, sive gaudeant dispensatione intuitu qualitalis ciborum; sive insistant pristinae Ecclesiae disciplinae, ad *unam* solummodo in die *refectionem*, attamen corporis indigentis accommodatam, seu ad saturitatem cum vel sine brevissima coenula, stringuntur, quique jejunare obligantur,

b) dispensatione coram Deo tunc non nisi valeat, si justae pro ea adsint causae; et

c) beneficium dispensationis per alia bona opera, ut preces, eleemosynam . . resarciendum veniat etc. de quo in Confessionali adaequata quaestio formetur.

Vix hic monendum, quod gratia dispensationis tantum in illis parochiis publicanda atque concendenda sit, ubi plurimi reperiuntur, qui dispensationem justis ex motivis anhelant.

His addenda esse censemus, ut

1) A. R. Condecanales a resp. Decano, rursus Perillustres Decani et Claustrales a Nobis expetant gratiam dispensationis ob gravia rationum momenta.

2) Sub sacro hocce tempore Vener. Clerus ita instructionem populi et juventutis ordinet, quatenus *die Cinerum* jam de jejunio, verum subsequis 6. Dominicis de 5 Pœnitentiæ conditionibus ac de s. Communionem, mane pro adultis, a meridie pro juventute, in Ecclesia aut in excursionibus, etiam per hebdomadem verba faciat ac insuper concionem de Passione Domini Nostri Jesu Xii, post devotionem „Gorzkie żale.“ adaequatam dicat — quæ jam ad commiserationem jam ad imitationem &c. excitet.

Historia filii prodigi a Salvatore nostro ceu forma conversionis destinata, concionantibus ubera ad conversionis palæstram suppeditat momenta.

3) Ante *Confessionem* et *Communionem* si tempus adfuerit, verba præparatoria depromat, *precesque* ante et post s. *Communionem* præscriptas aut Ipsemet, cum mora et gravitate recitet aut recitari faciat.

4) Labores prædicationis et confessionis precibus fulciat, quo magis convertantur Ninivitæ, prodigi filii, ac dein super conversis lætentur Cœlites.

5) Ne sal, quo condiendi sunt homines, *infatuetur*, *Recollectiones* ante Confessionem paschalem vel singillatim, vel junctim, Parochus cum Cooperatoribus instituat, quibus omnes obfirmati, Confessione purgati ac justificati Pascha cum animi gaudio manducare valeatis. In hoc saluberrimo exercitio adhibete jam Psalmum „Miserere“ ad pœnitentiam flectentem, nuperrime impressum; „Memoriale vitæ Sacerdotis,“ Meditationes super Decalogo sub titulo: „Die X. Gebote Gottes — Zehn Betrachtungen als geistliche Übungen für Priester v. Bened. Höllrigl.“ Wien 1863. Sartori. 70 x.

6) „*Matutinum tenebrarum*“ &c. juxta Ecclesiae Rubricas solenniter in templo persolvat... ac *ritus* Hebdomadis Magnæ prævie populo illustret.